

OBRAZLOŽENJE UZ IZMJENE I DOPUNE BUDŽETA GRADA ZENICA ZA 2025. GODINU

I PRAVNI OSNOV

Pravni osnov za donošenje Izmjena i dopuna Budžeta Grada Zenica za 2025. godinu sadržan je u članu 7., 36., 37. i 38. Zakona o budžetima u Federaciji Bosne i Hercegovine ("Službene novine FBiH", broj: 102/13, 9/14, 13/14, 8/15, 91/15, 102/15, 104/16, 5/18, 11/19, 99/19, 25a/22 i 7/25), članu 13. i 15. Zakona o principima lokalne samouprave u Federaciji Bosne i Hercegovine ("Službene novine FBiH", broj: 49/06 i 51/09) i članu 34. Statuta Grada Zenica ("Službene novine Grada Zenica", broj 5/15).

II RAZLOZI ZA DONOŠENJE IZMJENA I DOPUNA BUDŽETA GRADA ZENICA ZA 2025. GODINU

Gradsko vijeće Zenica, na 3. sjednici održanoj dana 17.01.2025. godine, usvojilo je Odluku o privremenom finansiranju Grada Zenica za period 01.01.-31.03.2025. godine u ukupnom iznosu od 11.640.000,00 KM, a koja je objavljena u Službenim novinama Grada Zenica broj 1/25. Članom 3. ove Odluke utvrđeno je da se rashodi i izdaci iz osnova unutrašnjeg i vanjskog duga mogu izvršavati do visine stvorenih obaveza, te da isti nisu uključeni u plan privremenog finansiranja Grada Zenica. Takođe, ni sredstva koja se doznavaaju od ostalih nivoa vlasti (Država, Federacija i Kanton), pomoći, donacije i prihodi za posebne namjene, kao ni rashodi i izdaci koji se finansiraju iz tih sredstava, nisu planirani privremenim finansiranjem Grada Zenica, ali se mogu izvršavati u iznosima i za namjene za koje su i odobrene, u skladu sa ugovorima, odlukama, zaključcima i drugim aktima.

Budžet Grada Zenica za 2025. godinu, kao i Odluka o izvršavanju Budžeta usvojeni su na 4. sjednici Gradskog vijeća održanoj 04. februara 2025. godine i objavljeni su u Službenim novinama Grada Zenica broj 2/25.

Ukupno planirani prihodi i primici, odnosno rashodi i izdaci u Budžetu za 2025. godinu, zajedno sa viškom prihoda nad rashodima – suficitom iz prethodne godine, iznose 125.397.148,55 KM, od čega su prihodi i primici, odnosno rashodi i izdaci Budžeta planirani u iznosu od 121.108.148,55 KM, dok iznos od 4.289.000,00 KM predstavlja suficit iz prethodne godine.

Budžet Grada Zenica u 2025. godini izvršava se putem Jedinstvenog računa Trezora, a u skladu sa operativnim mjesečnim planovima budžetskih korisnika u okviru odobrenog Budžeta, kao i u skladu sa Odlukom o izvršavanju Budžeta Grada Zenica za 2025. godinu ("Službene novine Grada Zenica", broj 2/25).

Budžet, kao interni zakonski akt, predstavlja ključni dokument kojim se određuje politika finansiranja aktivnosti i programa iz djelokruga nadležnosti jedinica lokalne samouprave, odnosno predstavlja sredstvo kojim se strateški prioriteti pretvaraju u konkretne usluge i aktivnosti, kao odgovor na socijalne, ekonomske i druge potrebe građana. Budžet mora biti uravnotežen tako da ukupni prihodi i primici pokrivaju ukupne rashode i izdatke.

Ako se u toku budžetske godine zbog nastanka novih obaveza za budžet ili promjena privrednih kretanja povećaju rashodi i/ili izdaci, odnosno smanje prihodi i/ili primici budžeta, Gradonačelnik može, na prijedlog Službe za finansije, donijeti izmjene i dopune budžeta.

Izmjenama i dopunama budžeta ponovo se uravnotežuju prihodi i primici, odnosno rashodi i izdaci budžeta.

Izradi Izmjena i dopuna Budžeta Grada Zenica za 2025. godinu pristupilo se iz sljedećih razloga:

- Odlukom o organizaciji službi Grada Zenica ("Službene novine Grada Zenica", broj: 10/24) i Odlukom o izmjenama i dopunama Odluke o organizaciji službi Grada Zenica ("Službene novine Grada Zenica", broj: 1/25 i 7/25), utvrđena je nova organizacija službi za upravu Grada Zenica, kao i organizacija posebnih službi i drugih organizacionih cjelina, njihov djelokrug rada i rukovođenje. Članom 21. navedene Odluke utvrđeno je da će Gradonačelnik donijeti Pravilnik o unutrašnjoj organizaciji gradskih službi i utvrditi sistematizaciju radnih mjesta državnih službenika i namještenika u službama i sektorima Grada, i to u roku od 30 dana od dana stupanja na snagu ove Odluke.

Novim Pravilnikom o unutrašnjoj organizaciji gradskih službi, utvrđuje se unutrašnja organizacija službi za upravu, posebnih službi i drugih organizacionih cjelina Grada Zenica, organizacijske jedinice i njihova nadležnost, te sistematizacija radnih mjesta.

S obzirom na navedeno, sredstva dosadašnjih budžetskih korisnika alocirana su na novoformirane budžetske korisnike, kako bi se za sve budžetske korisnike obezbijedila dostatnost sredstava.

- U periodu januar - juli 2025. godine na Jedinostveni račun trezora Grada Zenica doznačena su dodatna sredstva za realizaciju određenih projekata od viših nivoa vlasti, koja će se koristiti za određene namjene, a ista nisu planirana usvojenim Budžetom, a o čemu su donijeti zaključci o uvećanju Budžeta, i to:
 - a) Tekući transfer od kantona za sufinansiranje rada gradske kuhinje u iznosu od 115.000,00 KM i
 - b) Kapitalni transferi od Federacije za izgradnju zatvorenog olimpijskog bazena (2. faza) u iznosu od 100.000,00 KM.

U mjesecu augustu 2025. godine na ime kapitalnog transfera od Federacije za izgradnju zatvorenog olimpijskog bazena (2. faza) doznačen je i iznos od 900.000,00 KM, a koji je planiran u prijedlogu Izmjena i dopuna Budžeta Grada Zenica za 2025. godinu.

- Dodatni razlog izrade Izmjena i dopuna Budžeta su izmijenjene potrebe za sredstvima na pojedinim pozicijama rashodovne strane Budžeta, odnosno donijeti zaključci o preraspodjeli sredstava u Budžetu Grada Zenica za 2025. godinu, te zahtjevi budžetskih korisnika za novim preraspodjelama sredstava.

U skladu sa navedenim i članom 6. Zakona o budžetima u FBiH, kojim se propisuje da budžet mora biti uravnotežen tako da ukupni prihodi i primici pokrivaju ukupne rashode i izdatke, predlažu se Izmjene i dopune Budžeta Grada Zenica za 2025. godinu.

III STRUKTURA IZMJENA I DOPUNA BUDŽETA GRADA ZENICA ZA 2025. GODINU

Odlukom o organizaciji službi Grada Zenica i Odlukom o izmjenama i dopunama Odluke o organizaciji službi Grada Zenica, utvrđena je nova organizacija službi što je dovelo i do promjene

organizacionih kodova budžetskih korisnika u odnosu na usvojeni Budžet Grada Zenica za 2025. godinu, i to:

- pet organizacionih kodova prestaje da postoji (Služba kabineta Gradonačelnika, Stručna služba gradskog vijeća, Služba za boračko-invalidsku zaštitu, Sektor za informacione tehnologije i Sektor za javna preduzeća i javne ustanove) i
- formirana su tri nova organizaciona koda (Služba za razvoj, Služba za kulturu, sport i društvene djelatnosti i Služba za zajedničke poslove).

S obzirom na navedeno utvrđena je nova organizaciona struktura budžetskih korisnika Grada Zenica koja je data u predloženim Izmjenama i dopunama Budžeta Grada Zenica za 2025. godinu na sljedeći način:

51010001	GRADONAČELNIK
53010001	STRUČNA SLUŽBA GRADSKOG VIJEĆA I GRADONAČELNIKA
54010001	SLUŽBA INTERNE REVIZIJE
55010001	SLUŽBA ZA URBANIZAM
56010001	SLUŽBA ZA IMOVINSKO-PRAVNE, GEODETSKE POSLOVE I KATASTAR NEKRETNINA
57010001	SLUŽBA ZA FINANSIJE
58010001	SLUŽBA ZA PRIVREDU I GRADSKU IMOVINU
59010001	SLUŽBA ZA BORAČKO-INVALIDSKU I SOCIJALNU ZAŠTITU I STANOVANJE
59010002	JU CENTAR ZA SOCIJALNI RAD
60010001	SLUŽBA CIVILNE ZAŠTITE
61010001	SLUŽBA ZA VODOPRIVREDU, CESTOVNU INFRASTRUKTURU I KAPITALNE INVESTICIJE
62010001	SLUŽBA ZA OPĆU UPRAVU I MJESNE ZAJEDNICE
65010001	GRADSKO PRAVOBRANILAŠTVO
66010001	SLUŽBA ZA INSPEKCIJSKE POSLOVE
69010001	SLUŽBA ZA NORMATIVNO-PRAVNE POSLOVE, JAVNA PREDUZEĆA I JAVNE USTANOVE
70010001	SLUŽBA ZA KOMUNALNE DJELATNOSTI
71010001	SLUŽBA ZA RAZVOJ
72010001	SLUŽBA ZA KULTURU, SPORT I DRUŠTVENE DJELATNOSTI
73010001	SLUŽBA ZA ZAJEDNIČKE POSLOVE

Prihodi i primici u Izmjenama i dopunama Budžeta Grada Zenica za 2025. godinu planirani su na osnovu ostvarenja za period januar – juli 2025. godine, makroekonomskih projekcija prihoda Direkcije za ekonomsko planiranje BiH, te procjena budžetskih korisnika koji su nadležni za njihovu realizaciju.

Rashodovna strana sačinjena je na temelju zahtjeva budžetskih korisnika, uz uvažavanje zakonskih obaveza, politika i prioriteta, zatim izvršenja za period januar – juli 2025. godine, te procjene raspoloživih budžetskih sredstava. Dostavljeni zahtjevi za odobrenje rashoda budžetskih korisnika razmatrani su uz konsultovanje i pregovaranje sa budžetskim korisnicima i utvrđena je predložena visina sredstava za svakog budžetskog korisnika.

S obzirom na značajne promjene organizacione strukture Gradske uprave od septembra 2025. godine, podatke usvojenog Budžeta za 2025. godinu nije bilo moguće predstaviti u tabelarnom pregledu B - 2 Poseban dio – rashodi i izdaci po budžetskim korisnicima, te je isto detaljnije prikazano samo u tabelarnom pregledu B - 1 rashodi i izdaci – zbirno.

U cilju sveobuhvatnijeg informisanja daje se kompletan opći i poseban dio Budžeta po svim budžetskim korisnicima, uz napomenu da se oznake budžetskih pozicija nisu mijenjale u odnosu na usvojeni Budžet Grada Zenica za 2025. godinu.

U nastavku slijedi obrazloženje predloženih promjena planiranih iznosa u odnosu na usvojeni Budžet za 2025. godinu.

PRIHODI I PRIMICI

Ukupno planirani prihodi i primici sa akumuliranim suficitom u Izmjenama i dopunama Budžeta Grada Zenica za 2025. godinu iznose 127.088.166,49 KM, odnosno za 1% ili 1.691.017,94 KM su veći od planiranog iznosa u Budžetu za 2025. godinu.

Strukturu prihoda i primitaka u Izmjenama i dopunama Budžeta za 2025. godinu čine:

- prihodi i primici Grada planirani u iznosu od 100.177.714,16 KM,
- primljeni transferi od ostalih nivoa vlasti – namjenske doznake planirane u iznosu od 22.273.500,00 KM i
- procijenjeni akumulirani suficit u iznosu od 4.636.952,33 KM.

U Tabeli broj 1 data je struktura prihoda i primitaka planiranih Izmjenama i dopunama Budžeta Grada Zenica za 2025. godinu, kao i uporedni pokazatelji u odnosu na usvojeni Budžet.

TABELA br. 1 (KM)

RED. BR.	VRSTA PRIHODA	BUDŽET 2025. g.	POVEĆANJE/SMANJENJE	IZMJENE I DOPUNE BUDŽETA 2025. g.	INDEX (5:3 x 100)
1	2	3	4	5	6
I	PRIHODI OD POREZA	39.521.679,00	+ 631.475,00	40.153.154,00	102
II	NEPOREZNI PRIHODI	19.223.186,10	+ 2.143.858,80	21.367.044,90	111
III	PRIMLJENI TEKUĆI TRANSFERI I DONACIJE	2.731.613,58	- 78.732,97	2.652.880,61	97
IV	PRIMLJENI KAPITALNI TRANSFERI	12.178.588,02	- 648.535,22	11.530.052,80	95
V	KAPITALNI PRIMICI	22.860.000,00	- 1.155.000,00	21.705.000,00	95
VI	PRENOS NAMJ. SRED. CZ PO ZAKONU O ZAŠTITI I SPAŠ. LJUDI ... - 0,5%, NEUTROŠENIH U PRETH. GOD.	2.769.581,85	0,00	2.769.581,85	100
	UKUPNO PRIHODI I PRIMICI GRADA (od I do VI)	99.284.648,55	+ 893.065,61	100.177.714,16	101
VII	PRIMLJENI TRANSFERI OD OSTALIH NIVOVA VLASTI - NAMJENSKE DOZNAKE	21.823.500,00	+ 450.000,00	22.273.500,00	102
	UKUPNO PRIHODI I PRIMICI BUDŽETA (od I do VII)	121.108.148,55	+ 1.343.065,61	122.451.214,16	101
	AKUMULISANI VIŠAK PRIHODA NAD RASHODIMA - AKUMULISANI SUFICIT	4.289.000,00	+ 347.952,33	4.636.952,33	108
	UKUPNO PRIHODI I PRIMICI BUDŽETA SA AKUMULIRANIM SUFICITOM	125.397.148,55	+ 1.691.017,94	127.088.166,49	101

Izmjenama i dopunama Budžeta Grada Zenica za 2025. godinu planirani su **porezni prihodi** u ukupnom iznosu od 40.153.154,00 KM, odnosno predlaže se povećanje poreznih prihoda u odnosu na Budžet 2025. godine za 631.475,00 KM ili 2%.

Naime, planirani porezni prihodi usaglašeni su sa projekcijama prihoda od indirektnih poreza, kao i projekcijama prihoda po osnovu direktnih poreza za 2025. godinu, dostavljenim od strane Federalnog ministarstva finansija u mjesecu maju tekuće godine. Projekcije su zasnovane na zadnjim zvaničnim makroekonomskim prognozama, preuzetim od Direkcije za ekonomsko planiranje, te prate pretpostavljena kretanja ključnih parametara sa kojima su u korelaciji.

U skladu sa navedenim, planirani iznosi na ime prihoda od indirektnih poreza i prihoda od poreza na dohodak povećani su za 3%.

Predloženim Izmjenama i dopunama Budžeta za 2025. godinu planirani su **neporezni prihodi** u iznosu od 21.367.044,90 KM, odnosno za 2.143.858,80 KM ili 11% su veći od planiranih neporeznih prihoda u Budžetu 2025. godine, a što je rezultat analize dosadašnjeg ostvarenja, kao i procjene ostvarenja istih do kraja godine.

U okviru ove grupe prihoda, najveće povećanje u odnosu na usvojeni Budžet planirano je u okviru naknade po osnovu prirodnih pogodnosti – Renta, naknade za uređenje građevinskog zemljišta, te naknade za korištenje građevinskog zemljišta, s obzirom na naplatu zaostalih potraživanja od Željezare "ZENICA" d.o.o. Zenica - u stečaju.

Ukupno **primljeni tekući transferi i donacije** planirani su u iznosu od 2.652.880,61 KM i manji su za 3% ili za 78.732,97 KM u odnosu na usvojeni Budžet za 2025. godinu.

Primljeni kapitalni transferi planirani su u iznosu od 11.530.052,80 KM, odnosno za 648.535,22 KM ili 5% manje od iznosa planiranog Budžetom za 2025. godinu.

Prikupljanje sredstava definisano Zakonom o zaštiti i spašavanju ljudi i materijalnih dobara od prirodnih i drugih nesreća vrši se na poseban transakcijski račun za sredstva za zaštitu i spašavanje. S obzirom da se radi o namjenskim sredstvima, Instrukcijom federalnog ministra finansija o planiranju i korištenju sredstava sa posebnog transakcijskog računa propisano je da se neiskorištena sredstva prikupljena po osnovu pomenutog Zakona prenose u narednu godinu i da ista predstavljaju stvarni prihod za trošenje u narednoj godini. U skladu s tim, po izvršenom godišnjem obračunu za 2024. godinu, utvrđena su neutrošena sredstva u ukupnom iznosu od 2.769.581,85 KM, i ista se planiraju u Izmjenama i dopunama Budžeta za 2025. godinu, a realizovat će se putem Službe civilne zaštite.

Izmjenama i dopunama Budžeta za 2025. godinu Primljeni transferi od ostalih nivoa vlasti - namjenske doznake planirane su u ukupnom iznosu od 22.273.500,00 KM, što je za 450.000,00 KM više u odnosu na Budžet Grada Zenica za 2025. godinu. Ovo povećanje se odnosi na povećanje sredstava po osnovu naknada roditeljima njegovateljima, koje se doznačavaju iz Budžeta Federacije BiH, i raspoređuju korisnicima putem JU centar za socijalni rad Zenica.

Zaključkom Gradskog vijeća o usvajanju Izvještaja o izvršenju Budžeta Grada Zenica za 2024. godinu i rasporedu viška prihoda nad rashodima, broj: 01-45-11003/25 od 12.05.2025. godine, utvrđen je višak prihoda i primitaka Grada nad rashodima i izdacima Grada iz prethodne godine u iznosu od 4.636.952,33 KM, te je isti i planiran Izmjenama i dopunama Budžeta za 2025. godinu.

RASHODI I IZDACI

U skladu sa planiranim prihodima i primicima, Izmjenama i dopunama Budžeta Grada Zenica za 2025. godinu planirani su i rashodi i izdaci sa akumuliranim suficitom u iznosu od 127.088.166,49 KM, pri čemu se vodilo računa o prijedlozima budžetskih korisnika.

Strukturu rashoda i izdataka Izmjena i dopuna Budžeta za 2025. godinu čine:

- rashodi i izdaci iz prihoda Grada, planirani u iznosu od 100.177.714,16 KM,
- transferi od ostalih nivoa vlasti – namjenske doznake, planirane u iznosu od 22.273.500,00 KM i
- raspored akumuliranog suficita planiran u iznosu od 4.636.952,33 KM.

Planirani iznosi rashoda i izdataka sa rasporedom akumuliranog suficita u Izmjenama i dopunama Budžeta Grada Zenica za 2025. godinu dati su u Tabeli broj 2.

TABELA br. 2 (KM)

RED. BR.	VRSTA RASHODA	BUDŽET 2025. g.	POVEĆANJE/SMANJENJE	IZMJENE I DOPUNE BUDŽETA 2025. g.	INDEX (5:3 x 100)
1	2	3	4	5	6
I	REDOVNA DJELATNOST	21.030.087,70	- 1.603.939,70	19.426.148,00	92
1	PLAĆE I NAKNADE TROŠKOVA ZAPOSLENIH	16.398.200,00	- 1.055.600,00	15.342.600,00	94
2	DOPRINOSI POSLODAVCA I OSTALI DOPRINOSI	1.569.300,00	- 396.300,00	1.173.000,00	75
3	IZDACI ZA MATERIJAL I USLUGE	2.717.500,00	- 37.952,00	2.679.548,00	99
4	IZDACI ZA NABAVKU STALNIH SREDSTAVA	345.087,70	- 114.087,70	231.000,00	67
II	POSEBNE NAMJENE	78.004.560,85	+ 2.497.005,31	80.501.566,16	103
1	IZDACI ZA MATERIJAL I USLUGE	13.424.332,97	+ 1.562.502,93	14.986.835,90	112
2	TEKUĆI TRANSFERI I DRUGI TEKUĆI RASHODI	10.094.500,99	+ 130.000,00	10.224.500,99	101
3	KAPITALNI TRANSFERI	530.000,00	0,00	530.000,00	100
4	IZDACI ZA KAMATE	650.000,00	- 145.500,10	504.499,90	78
5	IZDACI ZA NABAVKU STALNIH SREDSTAVA	46.468.533,81	+ 1.620.002,48	48.088.536,29	103
6	IZDACI ZA OTPLATE DUGOVA	260.000,00	- 260.000,00	0,00	0
	NAMJENSKA SRED. ZA ZAŠTITU OD POŽARA OD NAKNADA ZA VATROGAS. SA NEUTROŠENIM SR. U PRET. GOD.	780.000,00	- 410.000,00	370.000,00	47
	NAMJENSKA SRED. CZ PO ZAKONU O ZAŠTITI I SPAŠ. LJUDI ... - 0,5%	3.769.581,85	0,00	3.769.581,85	100
	SREDSTVA FONDA ZA ZAŠTITU OKOLIŠA FBiH SA NEUTROŠ. SRED. U PRETH. G.	2.027.611,23	0,00	2.027.611,23	100
III	TEKUĆA BUDŽETSKA REZERVA	250.000,00	0,00	250.000,00	100
	UKUPNO RASHODI I IZDACI IZ PRIHODA GRADA (od I do III)	99.284.648,55	+ 893.065,61	100.177.714,16	101

RED. BR.	VRSTA RASHODA	BUDŽET 2025. g.	POVEĆANJE/ SMANJENJE	IZMJENE I DOPUNE BUDŽETA 2025. g.	INDEX (5:3 x 100)
1	2	3	4	5	6
IV	TRANSFERI OD OSTALIH NIVOVA VLASTI - NAMJENSKE DOZNAKE	21.823.500,00	+ 450.000,00	22.273.500,00	102
1	TEKUĆI TRANSFERI I DRUGI TEKUĆI RASHODI	21.273.500,00	+ 450.000,00	21.723.500,00	102
2	KAPITALNI TRANSFERI	550.000,00	0,00	550.000,00	100
	UKUPNO RASHODI I IZDACI BUDŽETA (od I do IV)	121.108.148,55	+ 1.343.065,61	122.451.214,16	101

	RASPORED AKUMULISANOG SUFICITA	4.289.000,00	+ 347.952,33	4.636.952,33	108
	UKUPNO RASHODI I IZDACI BUDŽETA SA RASPOREDOM AKUMULISANOG SUFICITA	125.397.148,55	1.691.017,94	127.088.166,49	101

Rashodi za **redovnu djelatnost** podrazumijevaju plaće, naknade troškova zaposlenih, doprinose poslodavca, materijalne i druge troškove neophodne za rad budžetskih korisnika, naknade za rad u Gradskom vijeću i radnim tijelima Gradskog vijeća, te nabavku stalnih sredstava za organe uprave. Ovi rashodi Izmjenama i dopunama Budžeta Grada Zenica za 2025. godinu planirani su u iznosu od 19.426.148,00 KM, što je za 1.603.939,70 KM ili 8% manje od iznosa planiranog usvojenim Budžetom za 2025. godinu.

Bruto plaće i naknade plaća sa pripadajućim doprinosima poslodavca, za 392 radnika, planirani su u ukupnom iznosu od 16.515.600,00 KM, a za 8% su manji u odnosu na iznose planirane usvojenim Budžetom za 2025. godinu. Treba napomenuti da je u navedenim iznosima i broju radnika uključena i Javna ustanova Centar za socijalni rad Zenica, kao i Profesionalna vatrogasna jedinica koja je u sastavu Službe civilne zaštite.

Planirani iznosi plaća i naknada troškova zaposlenih i doprinosa poslodavca utvrđeni su na osnovu:

- izvršenja za period januar – juli 2025. godine,
- izvršenog obračuna za period august – decembar 2025. godine za postojeći broj radnika, kao i za broj novih radnika čiji se prijem planira do kraja 2025. godine, a za koje nije okončana konkursna procedura koja je započeta još u 2025. godini, i
- Zakona o izmjenama i dopunama Zakona o doprinosima ("Službene novine FBiH", broj: 33/25).

Izdaci za **posebne namjene** finansirani iz prihoda i primitaka Grada, planirani su u ukupnom iznosu od 80.501.566,16 KM, odnosno za 3% ili 2.497.005,31 KM su veći od usvojenog Budžeta.

Navedeno povećanje uglavnom je rezultat korekcije planiranih sredstava na sljedećim pozicijama:

- Rekonstrukcija i investiciono održavanje putne mreže, uvećana za 3.145.000,00 KM;
- Projekat modernizacije i proširenja javne rasvjete, uvećana za 1.104.000,00 KM;
- Održavanje komunalne higijene grada, uvećana za 350.000,00 KM;
- Zimska služba na gradskim ulicama, lokalnim i nekategorisanim putevima uvećana je za 280.000,00 KM;
- Troškovi nadzora na komunalnoj infrastrukturi i druge usluge uvećani za 240.000,00 KM;
- Izdaci za tekuće održavanje putne mreže uvećani za 200.000,00 KM;
- Finansiranje rada JU Dom-porodica Zenica uvećano za 100.000,00 KM;

- Izdaci za tekuće održavanje (javna rasvjeta, rasvjeta na mostovima, javni satovi i dr.) uvećani za 90.000,00 KM;
- Drugi tekući rashodi - povrat više ili pogrešno uplaćenih javnih prihoda iz prethodnog perioda uvećani za 60.000,00 KM;
- Utrošak električne energije - javna rasvjeta, uvećana za 50.000,00 KM;
- Troškovi grijanja za ustanove po ugovoru sa JP Grijanje i troškovi električne energije za Centar za mlade i stanove koji su privremeno neuseljani i dr. uvećani za 50.000,00 KM;
- Tekući transferi pojedincima – elementarne nepogode uvećani su za 40.000,00 KM;
- Transferi Agenciji ZEDA i REZ za podsticaj razvoja preduzetništva i obrta - finansiranje projekata uvećani za 20.000,00 KM;
- Dekoracija grada uvećana je za 10.000,00 KM;
- Izdaci za tekuće održavanje vodovodne i kanizacione mreže u MZ uvećani su za 7.000,00 KM i dr.

Tekuća budžetska rezerva u Izmjenama i dopunama Budžeta za 2025. godinu planirana je u iznosu od 250.000,00 KM, a što čini 0,32% planiranih prihoda, bez namjenskih prihoda, vlastitih prihoda i bez primitaka.

Na ime namjenskih doznaka od ostalih nivoa vlasti, Izmjenama i dopunama Budžeta za 2025. godinu planiran je iznos od 22.273.500,00 KM ili za 450.000,00 KM, odnosno za 2% više u odnosu Budžet za 2025. godinu.

Izmjenama i dopunama Budžeta za 2025. godinu, a u skladu sa članom 26. stav 1. tačka 3. Zakona o budžetima u Federaciji Bosne i Hercegovine i Zaključka Gradskog vijeća o usvajanju Izvještaja o izvršenju Budžeta Grada Zenica za 2024. godinu i rasporedu viška prihoda nad rashodima, broj: 01-45-11003/25 od 12.05.2025. godine, planiran je i **raspored akumulisanog suficita** u iznosu od 4.636.952,33 KM, kako slijedi:

- na organizacionom kodu 61010001 - Služba za vodoprivredu, cestovnu infrastrukturu i kapitalne investicije, i to za:
 - otplatu glavnice po kreditu od Saudijskog fonda za razvoj – GGM u iznosu od 2.500.000,00 KM i
 - za transfer JP VIK d.o.o. Zenica za izgradnju kolektora i postrojenja za prečišćavanje otpadnih voda (učešće Grada u sufinansiranju sa KfW) u iznosu od 1.000.000,00 KM.
- na organizacionom kodu 72010001 - Služba za kulturu, sport i društvene djelatnosti, za izgradnju zatvorenog olimpijskog bazena i aqua parka u iznosu od 789.000,00 KM,
- iznos od 347.952,33 KM ostaje neraspoređen, odnosno koristit će se za povećanje likvidnosti Budžeta Grada Zenica.

Imajući u vidu navedeno predlažemo Gradskom vijeću Zenica da usvoji Izmjene i dopune Budžeta Grada Zenica za 2025. godinu u dostavljenoj formi.

SLUŽBA ZA FINANSIJE